

Universitäts- und Landesbibliothek Tirol

Franz Schweyger's Chronik der Stadt Hall

Schweyger, Franz

Innsbruck, 1867

Vassnacht tantz

Item kunig Fridrich hat gesungen an dem weinacht tag das ewangely exit edictum in seiner maiestat hye zu Ynnsprugg anno domini tawsent vierhundert und in drewundviertzigisten jare.

Fürstn eerungen.

Anno 1427 haben die von Hall herzog Fridrichn, herzog Sigmundn vatter 7 armprost und umb 10 pfund 7 kr. visch geschenkt und des herzogn narn, genant Vinsterl, auf sein hietl umb ain guldins ringl zalt 8 pfund.

Ankunft hie etlicher fürstn.

Anno 1428 ist herzog Fridrich (nachmals römischer kayser anno 1440) und herzog Albrecht, sein brueder, ped herzog Ernst sün, in disem jar gen Hall und ins land kumen. Hat man in von der stat Hall geert und geschenkt 100 rheinisch gulden in golt, auch lebendig visch 15 pfund, der jungen fürstn thürhieter 3 pfund 2 kr. Item dem pischof zu Gurk, herrn Ernst, als cantzler herzog Fridrichn fuer fuetter 25 pfund, umb ruttn hat man zalt zu vereeren 15 kr. Item herzog Wilhelm von Praunschweig hat man geschenkt 1 zeltu pferd; hat ain purger, genant Vollnhals, geben per 16 ducatu und umb 15 pfund perner visch.

Statt steuer.

Anno 1428 hat man herzog Albrechtu von Oesterreich auf das concili gen Passl ain steur verwilligt, 31 mark von der stat. Das hat einpracht maister Hainrich Baruther, Dietmair Kinigsperger, herr Ulrich Vögler und Gabriel Pamkircher.

Vassnacht tantz.

Anno domini 1436 hat man dem jungen fürstn herzog Sigmundn die 3 tag in der vassnacht ain burgers tanz gehalten auf dem rathaus zu Hall. Ist ditzmal umb wein bezalt worden 13 pfund, 8 kr. 3 f.

Absterben herzogn Fridrichn, erzherzogn Sigmundts vatter.

Anno domini 1439 an sant Johannis taufers tag [24. Juni] zwischen 3 und 4 urn nachmittag ist der durchlechtig hochgeborn fürst herzog Fridrich, der ölter, zu Oesterreich etc. mit tod abgangen.